

## ঈশ্বর হোশেয়কে তাঁর পরিবারকে শক্তিশালী করার শিক্ষা দিয়েছিলেন

যারা শিশুদের শিক্ষা দেন তাদের অবশ্যই অধ্যায় F2b পাঠ করা উচিত।

**প্রার্থনা :** “প্রভু, আমাদের পরিবারগুলি তোমার দেওয়া উপহার। খ্রীষ্টিয় পরিবার রূপে বেঁচে থাকার আনন্দ খুঁজে পেতে আমাদের সাহায্য কর। আমাদের শিশুদের তোমার বিষয় জেনে বড় হতে সাহায্য কর। এবং আমাদের একে অপরের প্রতি সত্য প্রেম কি তাদের দেখাতে সাহায্য কর।”

### ১. ঈশ্বরের বাক্য শোনার জন্য আপনাদের হৃদয়কে প্রস্তুত করুন

হোশেয় ৩ অধ্যায়ে একজন ভাল, ক্ষমশীল স্বামীর উদাহরণ দেখুন :

- হোশেয় তাঁর স্ত্রীর জন্য ভালবাসা কিভাবে ঈশ্বরের তাঁর লোকদের প্রতি ভালবাসার অনুরূপ ?

- হোশেয় তার স্ত্রীর কোন পাপটা ক্ষমা করেছিল ?

২ ও ৩ পদে দেখুন কি ভাবে হোশেয় তার স্ত্রীর পরিচর্যা করেছিলেন ?

ইফিযীয় ৫:২১-৩৩ পদে দেখুন, পৌল স্বামী-স্ত্রীর প্রতি কি নির্দেশ দিয়েছিলেন।

- বাইবেল সমস্ত খ্রীষ্টিয়ানদের একে অন্যের প্রতি কি করতে শিক্ষা দেয় ? (২১ পদ)
- একজন স্ত্রী তার স্বামীর প্রতি কিরূপ ব্যবহার করবে ?
- কি ধরনের প্রেম একজন স্বামীর তার স্ত্রীর প্রতি থাকা উচিত ?

১ শমুয়েল ৩ অধ্যায়ে দেখুন একজন বাধ্য ছেলে এবং দু'জন অবাধ্য ছেলের উদাহরণ।

- ২-১০ পদে দেখুন কিভাবে এলি তাঁর নিজের ছেলেদের শৃঙ্খলা শেখাতে ব্যর্থ হয়েছিলেন।
- ১৪ পদে দেখুন সেই অবাধ্য ছেলেদের জন্য একটি সতর্কবার্তা যারা তাদের অবাধ্যতার জন্য অনুতপ্ত হয়নি।

ইফিযীয় ৬:১-৪ পদে দেখুন কিভাবে ছেলেমেয়েরা তাদের পিতামাতার বাধ্য হবে এবং কিভাবে পিতামাতারা তাদের সন্তানদের প্রভুতে বৃদ্ধি দান করবে। এই সমস্ত বিষয়গুলি যা পিতা মাতারা তাদের সন্তানদের প্রভুতে বৃদ্ধি দানের জন্য করতে পারে যাতে সেই সন্তানরা প্রভুকে সেবা করতে পারে :

- প্রতিদিন সময় বার করুন তাদের বাইবেলের গল্প বলতে, গান, প্রার্থনা ও পদ মুখস্থ করাতে। শমুয়েলের মত শিশুরা খুব ছোট অবস্থাতেই প্রভুকে সেবা করতে শুরু করবে যদি তারা উপযুক্ত শিক্ষা পায়।
- তাদের শিক্ষা দিন দশ আজ্ঞা, যীশুর আজ্ঞা, হিতোপদেশ এবং নতুন নিয়ম অনুযায়ী পথগুলি, যার মাধ্যমে ব্যবহারিক একে অন্যের প্রতি প্রেম প্রদর্শিত হয়।
- উপাসনার সময়ে ছেলে মেয়েদের বিভিন্ন বিষয়ের সঙ্গে যুক্ত করুন। তাদের গান গাইতে দিন, ছোট নাটিকা উপস্থাপন করতে এবং পদ মুখস্থ বলতে দিন।
- ছেলে মেয়েদের সঠিক পথে নিয়ে আসুন প্রেমের দ্বারা, ক্রোধের দ্বারা নয় এবং তাদের পক্ষে খুবই কঠিন এরূপ নিয়ম দ্বারা হতাশা গ্রস্থ করে তুলবেন না।
- ছেলে মেয়েদের অন্যকে সেবা করার সুযোগ দিন।

### ২. সহকর্মীদের সঙ্গে পরিকল্পনা করুন এই সপ্তাহে কি কি কার্যকলাপ করবেন

- ☐ উপাসক মণ্ডলীর লোকদের বাড়ীতে যান এবং তাদের প্রতিদিনের উপাসনার সময়ের বিষয়ে পরিকল্পনা করতে সাহায্য করুন, যেগুলিও তাদের ছেলেমেয়েরা যুক্ত থাকবে। পিতা ও মাতা উভয়কেই অংশগ্রহণ করতে উৎসাহিত করুন।
- ☐ মণ্ডলী নেতাদের উৎসাহিত করুন যাতে তারা সময় করে তাদের নিজেদের পরিবারের সঙ্গে একত্রে প্রার্থনা করতে পারে। শয়তান প্রায়ই খ্রীষ্টিয় কর্মীদের প্রলুব্ধ করে, যাতে তারা তাদের পরিবারকে অবহেলা করে। শত্রুরা খ্রীষ্টিয় নেতাদের পরিবারকে দুর্বল করে দেওয়ার রাস্তা খোঁজে এবং এর দ্বারা তাদের ধ্বংস করে দিতে চায়।
- ☐ সেই সমস্ত পরিবারে যান যাদের অনেক সমস্যা আছে এবং কিভাবে তাদের পরিবারগুলিকে শক্তিশালী করা যায় সেই বিষয়ে বলুন। এখানে কিছু নির্দেশিকা দেওয়া হল :

১. পরামর্শ দেবার আগে সমস্যায় আচ্ছন্ন পরিবারের সমস্ত সদস্যদের কথা শুনুন।



২. যা যা বলা হয়েছে সবই গোপন রাখুন। অন্য মানুষদের কাছে এগুলি আবার বলবেন না।

৩. শাস্ত্রের সেই সমস্ত অংশগুলি একসঙ্গে পাঠ করুন যেখানে বলা হয়েছে একে অন্যের প্রতি কিরূপ ব্যবহার করবেন, যেমন লেখা আছে ফিলিপীয় ২ অধ্যায়ে এবং ১ করিন্থীয় ১৩ অধ্যায়ে।

৪. একে অন্যকে ক্ষমা করার জন্য ঈশ্বরের আশীর্বাদ যাচা করুন।

৫. বাস্তবক্ষেত্রে একে অন্যকে প্রেমের দ্বারা সেবা করাতে পরিবারের সব সদস্যদের সাহায্য করুন। পরিবারের যিনি প্রধান তিনি সবার কাছে উদাহরণ স্বরূপ হবেন। তাদের নেতা হিসাবে, তিনি প্রথমে দেখাবেন খ্রীষ্টের ন্যায় দাস স্বরূপ হবার অর্থটুকি কি বোঝায়। তিনি তার পরিবারের নিঃস্বার্থভাবে সাহায্য করবেন।

### ৩. আসন্ন উপাসনার বিষয়ে সহকর্মীদের সঙ্গে পরিকল্পনা করুন।

সেই সমস্ত কার্যকলাপ পছন্দ করুন যেগুলো সেই অঞ্চলের বর্তমান চাহিদা বা প্রথার সঙ্গে মেলে।

যুবক শমুয়েলের ঈশ্বরের বাক্য শোনার গল্পটি ১ শমুয়েল ৩ অধ্যায় থেকে বলুন অথবা অভিনয়ের মাধ্যমে দেখান।

প্রথম পর্বে যে সমস্ত বিষয় আপনি পেয়েছেন সেগুলি সম্বন্ধে প্রশ্ন জিজ্ঞাসা করুন।

ব্যাখ্যাঃ বাইবেল শিক্ষা দেয়, স্বামীরা তাদের পরিবারকে ভালবাসবে এবং নিঃস্বার্থভাবে তাদের সেবা করবে। হোশেয়র গল্প আমাদের দেখায় কি ভাবে তিনি তাঁর অবিশ্বস্ত স্ত্রীকে বেশ্যা বৃত্তি থেকে মুক্ত করার মাধ্যমে তার পরিচর্যা করেছিলেন। তাকে ক্ষমা করেছিলেন এবং তাকে শিক্ষা দিয়েছিলেন কিভাবে শান্তিতে এক সঙ্গে বাস করা যায়।

খ্রীষ্টিয় পরিবারগুলির জন্য পৌলের উপদেশ ইফিসীয় ৫:২১-৬:৪ পদ থেকে পড়ুন।

প্রথম পর্বে যে সমস্ত বিষয় আপনি পেয়েছেন সেগুলি সম্বন্ধে প্রশ্ন জিজ্ঞাসা করুন।

ব্যাখ্যাঃ

- অনেক সংস্কৃতি আশা করে স্ত্রীরা তাদের স্বামীদের সেবা করবে এবং ছেলেমেয়েরা তাদের পিতা মাতার বাধ্য হবে, যেভাবে বাইবেল আমাদের শিক্ষা দেয় ইফিসীয় ৫ এবং ৬ অধ্যায়ে। যদিও বাইবেল আরও শিক্ষা দেয় খ্রীষ্টীয়ানরা একে অন্যকে সম্মান করবে। প্রত্যেক পরিবারের সদস্যদের কাছে সুযোগ আছে অন্যকে নম্রতা ও ভালবাসার দ্বারা পরিচর্যা করার।
- যখন একজন স্ত্রী তার স্বামীকে সম্মান প্রদর্শন করে, তিনি তাঁর ছেলেমেয়েদের পিতা মাতাকে সম্মান দেওয়ার জন্য এবং খ্রীষ্টকে কিভাবে সম্মান দিতে হবে শিক্ষা দেন।
- পৌল স্বামীর প্রেমকে তুলনা করেছেন খ্রীষ্টের অনুসরণকারীদের জন্য খ্রীষ্টের প্রেমের সঙ্গে। খ্রীষ্ট তাঁর জীবন আমাদের জন্য দিয়ে দিয়েছেন। খ্রীষ্টের তার সন্তানদের এবং তাঁর আশেপাশের প্রত্যেকের জন্য নিঃস্বার্থ প্রেমের বাস্তব উদাহরণ হল একজন স্বামীর তার স্ত্রীর প্রতি নিঃস্বার্থ প্রেম।

প্রথম পর্বে যে সমস্ত বিষয়গুলি আপনি পেয়েছেন সেই সম্বন্ধে প্রশ্ন জিজ্ঞাসা করুন।

প্রভুর ভোজ প্রদানের সময় ইয়োব ১:৫ পদ পড়ুন। ব্যাখ্যা করে বলুন ইয়োব একজন আদর্শ পিতা, ছেলেমেয়েদের জন্য স্বার্থত্যাগ করেছিলেন। যখন আমরা প্রভুর ভোজ গ্রহণ করি, আমরা স্মরণ করি যে আমাদের স্বর্গস্থ পিতা আমাদের জন্য সবথেকে মহান স্বার্থ ত্যাগ করেছিলেন। তিনি আমাদের এতই ভালবাসলেন যে তাঁর একমাত্র সন্তানকে আমাদের জন্য উৎসর্গ করে দিয়েছিলেন।

ছেলেমেয়েরা নাটক, কবিতা এবং গল্প যা তারা প্রস্তুত করে এনেছে সেগুলি উপস্থাপন করবে।

অবিশ্বাসী স্ত্রীকে ক্ষমা করে দেওয়া হোশেয়র গল্পটি হোশেয় ৩ অধ্যায় থেকে বলুন বা অভিনয়ের মাধ্যমে দেখান।

বিশ্বাসীদের সাক্ষ্য দিতে বলুন অথবা কিভাবে ঈশ্বর তাদের পরিবারকে পরিবর্তিত করেছেন এবং বাস্তবক্ষেত্রে তাদের পরিবারকে সেবা করার জন্য তারা কি শিখেছে এই বিষয়ে রিপোর্ট দিতে বলুন।

দুই অথবা তিনজনের দল তৈরী করুন, যাতে তারা পরস্পরের জন্য প্রার্থনা করে ও পরস্পরকে পরামর্শ দেয় এবং দৈনিক তাদের পারিবারিক প্রার্থনার সময় নিয়ে নিশ্চিত পরিকল্পনা করে।

একসঙ্গে ইফিসীয় ৫:২১ পদ মুখস্থ করুন।

